

Dat Leed von Hein

Gorch Fock

nach „Wohlauf noch getrunken“

Sin Vad-der sä: „Scho-ster, warr Scho-ster, min Hein!“ Denn sittst du ge-
„Man to“, sä sin Mud-der, „denn hest du dat sein!

ru - hig un dreuch ach-tern Disch, denn kriggt di keen Storm-wind un

bitt di keen Fisch; denn sittst du ge - ru - hig un dreuch ach - tern

Disch, denn kriggt di keen Storm-wind un bitt di keen Fisch.“ Jun-ge,

do dat nich, Junge, do dat nich, Junge, geef di nich mit Pick-droht af! Junge, do

dat nich, Jun-ge, do dat nich, Jun-ge, geef di nich mit Pick-droht af.

1. Sin Vadder sä: „Schoster, warr Schoster, min Hein!“
„Man to“, sä sin Mudder, „denn hest du dat sein!
Denn sittst du geruhig un dreuch achtern Disch,
denn kriggt di keen Stormwind un bitt di keen Fisch.“
Junge, do dat nich, Junge, do dat nich,
Junge, geef di nich mit Pickdroht af!
2. Hein dach nich ant Schostern, he dach an de See
un snack all ganz bannig von Luv un von Lee,
un lehr sick den Kumpass: de blifft nich bihus!
Un steek all een Prüntje mol achter de Kus.
Junge, lot dat doch, Junge lot dach doch,
Junge, lot dat ole Prüntjen no!
3. Hein weur in Gedanken all lang op de Bark,
weur Schippsjung un feuhl sick as Kniphof so stark,
weur seekrank keen bitten un bang nich for fief;
Labskaus un Schippsmettwurst: Minsch, Hein, holl di stief.
Junge, fall doch nich, Junge fall doch nich,
Junge, fall doch jo nich öber Bord!
4. Boots unner de Lien dorch un rin in 'n Passot,
un denn um Kap Horn rum, dor wehr di, Jan Moot:
Hushoch is de Dünung un hushoch de Roh,
un swart sünd de Nachten, Hein, holl dich un stoh!
Junge, beevt di nich, Junge, beevt di nich,
Junge, bevert di noch nich de Bux?
5. Bahia, Buenos un Kanton süht Hein,
in Rio un Kapstadt dor mokt he sick fein,
Neejork, Pernambuco un Kardiff möt mit,
denn runner no Sidey un Melbourne, dat sitt.
Junge, denk doch mol, Junge denk doch mol,
Junge, denk doch mol an Hamborg trüch!
6. Hein is all meist Stürmann, dor roppt dat: „April!“
Un Hein, de ward Schoster, as Vadder dat will,
un ballert de Stebeln un fleut lang de Stroot:
Adjüst ok, min Seefohrt, adjüst, min Jan Moot!
Junge, seet dor nich, Junge, seet dor nich,
Junge seet dor nich een grote Uhl?
7. Nu klopp he dat Ledder, dat ledder so dull,
un Stine de quarkt em de Ohrn ok noch vull.
Twolf Kinner – in 'n Keller - wat brust em de Kopp!
Hein, klopp man, Hein, klopp man un kiek man nich op!
Junge, harr ick bloß, Junge, harr ick bloß,
Junge harr ick bloß no See hen gohn!